

დანართი
დამტკიცებულია ა(ა)იპ კოლეჯი „ჰორიზონტი“-ს
დირექტორის 2022 წლის N 04-174 ბრძანებით

დანართი : ა(ა)იპ კოლეჯის „ჰორიზონტი“ ლანჩხუთის სასწავლო ფართზე სახანძრო უსაფრთხოების წესი

1.1.წინამდებარე წესი ადგენს ა(ა)იპ კოლეჯის „ჰორიზონტი“ ლანჩხუთის სასწავლო ფართზე (შემდგომში - კოლეჯი) ქცევის სავალდებულო წესებს, რომლის დაცვა და შესრულება სავალდებულოა თანამშრომლებისათვის ,პროფესიული სტუდენტების/მსმენელების / ვიზიტორებისთვის ,ასევე სხვა ორგანიზაციების თანამშრომლებისათვის, რომელებიც სამსახურებრივ ფუნქციებს ასრულებენ კოლეჯის შენობაში ან ტერიტორიაზე.

1.2 წინამდებარე წესი შემუშავებულია „საქართველოში მოქმედი სახანძრო უსაფრთხოების წესების დამტკიცების შესახებ“ საქართველოს შინაგან საქმეთა მინისტრის 2007 წლის 27 მარტის N449 ბრძანების საფუძველზე.

მუხლი 2. ხანძარსაწინააღმდეგო უსაფრთხოების უზრუნველყოფა

2.1. სახანძრო უსაფრთხოების წესების დაცვაზე მონიტორინგს ახორციელებს შრომის დაცვის და ტექნიკური უსაფრთხოების მენეჯერს.

2.2კოლეჯში თვალსაჩინო ადგილას გამოკრული არის საევაკუაციო გეგმა/გეგმები, ევაკუაციის პროცედურები, რომლის შესაბამისად საჭიროების შემთხვევაში მოხდება შენობის უსაფრთხო დატოვება.

2.3 ხანძარსაწინააღმდეგო დაცვის სისტემების ტექნიკური საშუალებების ეფექტური მუშაობის უზრუნველსაყოფაზე ხანძარსაწინააღმდეგო დაცვის სისტემების ექსპლუატაციაზე, ტექნიკურ მომსახურებაზე, მათ შეკეთებაზე, დაცვასა და გამოყენებისათვის მზადყოფნაზე პასუხისმგებელ პირი განისაზღვრება კოლეჯის დირექტორის ინდივიდუალური ადმინისტრაციულ-სამართლებრივი აქტით-ბრძანებით.

2.4. პასუხისმგებლობა წინამდებარე წესით დადგენილი სახანძრო უსაფრთხოების მოთხოვნების დაცვაზე უშუალოდ სამუშაო ადგილებზე ეკისრებათ ეკისრებათ კოლეჯის თანამშრომლებს,პროფესიულ სტუდენტებს/მსმენელებს და ,ასევე სხვა ორგანიზაციების თანამშრომლებისათვის, რომელებიც სამსახურებრივ ფუნქციებს ასრულებენ კოლეჯის შენობაში ან ტერიტორიაზე..

2.5. კოლეჯის ყველა თანამშრომელი /პროფესიული სტუდენტი/მსმენელი/ვიზიტორები ,ასევე სხვა ორგანიზაციების თანამშრომლები, რომელებიც სამსახურებრივ ფუნქციებს ასრულებენ კოლეჯის შენობაში ან ტერიტორიაზე ვალდებულია:

ა) დაიცვას სახანძრო უსაფრთხოების მოთხოვნები;

ბ) სამუშაოს დასრულების შემდეგ გამორთოს პერსონალური კომპიუტერი ან/და სხვა ელექტროხელსაწყოები;

გ) სამუშაოს დამთავრების შემდეგ ოთახის დაკეტვის წინ ჩაატაროს დათვალიერება, გამორთოს ელექტროხელსაწყოები და განათება;

დ) დაიცვას უსაფრთხოების ზომები ადვილად აალებადი და წვადი სითხეების და აირების, სხვა ხანძარსაშიში ნივთიერებების, მასალების და მოწყობილობების გამოყენებით სამუშაოების შესრულებისას;

ე) იცოდეს ხანძრის დროს ევაკუაციის გეგმა და ცეცხლმაქრების განთავსების ადგილები;

ვ) იცოდეს ცეცხლმაქრებით სარგებლობის ხერხები;

ზ) არ ჩახერგოს საევაკუაციო გზები და გასასვლელები;

2.6. კოლეჯის ყველა თანამშრომელს /პროფესიული სტუდენტი/მსმენელი/ვიზიტორები, ასევე სხვა ორგანიზაციების თანამშრომლები, რომელებიც სამსახურებრივ ფუნქციებს ასრულებენ კოლეჯის შენობაში ან ტერიტორიაზე ეკრძალებათ:

- ა) სათავსოებში ადვილად აალებადი, წვადი და ფეთქებადი ნივთიერებების შენახვა;
- ბ) თამბაქოს მოწევა კომპანიას ტერიტორიაზე;
- გ) კოლეჯის შენობაში ქაღალდების ან სხვა ადვილად აალებადი ნივთიერებების ღია მდგომარეობაში დაყრა;
- დ) კოლეჯში ღია ცეცხლის გამოყენება;
- ე) არაქარხნული წესით დამზადებული და გაუმართავი ელექტროხელსაწყოებისა და ელექტრო ინსტრუმენტების გამოყენება;
- ვ) ქსელში ჩართული ელექტრო ხელსაწყოების უმეთვალყურეოდ დატოვება.

მუხლი 3. უსაფრთხოების სამსახურის თანამშრომელთა ვალდებულება

3.1. ხანძრის გაჩენის შემთხვევაში სახანძრო უსაფრთხოებაზე პასუხისმგებელი პირის მოქმედებები უნდა იყოს მიმართული ადამიანთა უსაფრთხოების უზრუნველყოფასა და მათ დროულ ევაკუაციაზე.

3.2. სახანძრო უსაფრთხოების უზრუნველყოფისთვის სახანძრო უსაფრთხოებაზე პასუხისმგებელი ვალდებულია:

- ა) იცოდეს ელექტროენერგიის მოწოდების წყარო, მისი საერთო გამომრთველის ადგილმდებარეობა, ხოლო ხანძრის ან ასეთის წარმოქმნის საშიშროების შემთხვევაში, დაუყოვნებლივ გათიშოს ელექტროენერგიის მოწოდების წყარო.
- ბ) იცოდეს ცეცხლმაქრი სისტემების გამოყენება, მათი ვარგისიანობის ვადა და შევსების დრო, ასევე პერიოდულად უნდა ამოწმებდეს ცეცხლმაქრების მდგომარეობას.
- გ) მონაწილეობა მიიღოს ხანძარსაწინააღმდეგო ინსტრუქტაჟის პროცესში.
- დ) შენობიდან გასვლის წინ შეამოწმოს კოლეჯის მთლიანი შენობა, გამორთოს ელექტროენერგია, გამართულ მდგომარეობაში დატოვოს სიგნალიზაცია.

ე) ხანძრის გაჩენის შემთხვევაში, მათი მოქმედება მიმართული უნდა იყოს ადამიანთა უსაფრთხოების უზრუნველყოფასა და მათ დროულ ევაკუაციაზე; დროულად მიუთითოს ადამიანებს საევაკუაციო გასასვლელ(ებ)ისკენ.

ვ) მის ხელთ არსებული ყველა საშუალების გამოყენებით განახორციელოს ცეცხლის ქრობა და მისი ლოკალიზება, თუ ეს არ აღემატება მის შესაძლებლობებს; გამოიძახოს სახანძრო-სამაშველო სამსახური ასეთის საჭიროების შემთხვევაში.

ზ) ადგილზე მოსულ მაშველებს მოახსენოს საქმის ვითარებისა და მათთან ერთად განაგრძოს ცეცხლის ქრობა. მიაწოდოს ინფორმაცია ხანძრის ჩაქრობის ხელმძღვანელს შენობის კონსტრუქციული თავისებურებების, სათავსებში არსებული ნივთიერებებისა, მასალების ხანძარსაში თვისებების შესახებ.

მუხლი 4. ხანძრის შემთხვევაში მოქმედების წესი

4.1. კოლეჯში ხანძრის ან წვის ნიშნების (დაკვამლიანების, დამწვრის სუნის, ტემპერატურის აწევის და ა.შ.) აღმოჩენის შემთხვევაში კოლეჯის ყველა თანამშრომელი /პროფესიული სტუდენტი/მსმენელი/ვიზიტორები, ასევე სხვა ორგანიზაციების თანამშრომლები, რომლებიც სამსახურებრივ ფუნქციებს ასრულებენ კოლეჯის შენობაში ან ტერიტორიაზე ვალდებულია: ვალდებულია:

ა) შეწყვიტოს სამუშაო, დაუყოვნებლივ შეატყობინოს აღნიშნულის შესახებ სახანძრო-სამაშველო სამსახურს ტელეფონით “112” და მორიგე ჯგუფს (ამასთან აუცილებელია დაასახელოს ობიექტის მისამართი, ხანძრის გაჩენის ადგილი);

ბ) შეძლებისდაგვარად მონაწილეობა მიიღოს ადამიანთა ევაკუაციაში, მატერიალურ ფასეულობათა გადარჩენასა და ხანძრის ჩაქრობაში;

გ) გათიშოს დენის წყაროდან სათავსში არსებული, მასზე განპიროვნებული ელექტროდანადგარები და ხელსაწყოები;

დ) მომხდარის თაობაზე შეატყობინოს კოლეჯის ადმინისტრაციას/სახანძრო უსაფრთხოებაზე პასუხისმგებელ პირს.

ე) საშიშროების საერთო განკარგულების მიღებისას დატოვოს კოლეჯი.

მუხლი 5. ხანძარსაწინააღმდეგო ინსტრუქტაჟი

5.1. ხანძარსაწინააღმდეგო ინსტრუქტაჟი უტარდება კოლეჯის თანამშრომლებს სახანძრო უსაფრთხოების ძირითადი მოთხოვნების, ხანძარსაწინააღმდეგო დაცვის საშუალებების, აგრეთვე ხანძრის გაჩენის შემთხვევაში მათი ამოქმედების წესის შესწავლის მიზნით საჭიროებისამებრ არა ნაკლებ ექვსთვეში ერთხელ.

5.2. ხანძარსაწინააღმდეგო ინსტრუქტაჟი ტარდება შრომის დაცვის და ტექნიკური უსაფრთხოების მენეჯერის მიერ /სახანძრო უსაფრთხოებაზე პასუხისმგებელი პირის კანონმდებლობით დადგენილი მოთხოვნების გათვალისწინებით, ამ წესის შესაბამისად.

5.3. ხანძარსაწინააღმდეგო ინსტრუქტაჟის ჩატარება ითვალისწინებს კოლეჯის თანამშრომელთა გაცნობას:

ა) კოლეჯის ტერიტორიის, შენობის, მათ შორის, საევაკუაციო გზების, შიდა და გარე წყალსადენის, ხანძრის შესახებ მაუწყებლობის სისტემების მიმართ დადგენილ მოთხოვნებსა და ადამიანთა ევაკუაციის პროცესის მართვასთან;

ბ) ხანძარსაშიში სამუშაოების ჩატარების წესებთან;

გ) ხანძრის დროს თანამშრომელთა ვალდებულებებსა და მოქმედებებთან, სახანძრო-სამაშველო სამსახურის გამოძახების წესებთან, ხანძრის ჩაქრობის საშუალებების და ხანძარსაწინააღმდეგო ინვენტარის გამოყენების მოთხოვნებთან.

5.4. ხასიათის და ჩატარების პერიოდულობიდან გამომდინარე, დადგენილია შემდეგი სახის ხანძარსაწინააღმდეგო ინსტრუქტაჟი: საწყისი, განმეორებითი და მიზნობრივი.

5.5 საწყისი ხანძარსაწინააღმდეგო ინსტრუქტაჟი უტარდება:

ა) სამსახურში ახლად მიღებულ ყველა თანამშრომელს, მიუხედავად განათლებისა და პროფესიით (თანამდებობაზე) მუშაობის სტაჟისა;

5.6. საწყისი ხანძარსაწინააღმდეგო ინსტრუქტაჟი მოიცავს შემდეგ საკითხებს:

ა) მონაცემებს ობიექტის ხანძარ და ფეთქებადსაშიში პირობების სპეციფიკის და თავისებურებების შესახებ;

ბ) თანამშრომლების მოვალეობებს და პასუხისმგებლობას სახანძრო უსაფრთხოების მოთხოვნების დაცვაზე;

გ) ობიექტის ხანძარსაწინააღმდეგო რეჟიმის გაცნობას;

დ) ხანძარსაწინააღმდეგო რეჟიმის დაცვის თაობაზე ბრძანებების, სახანძრო უსაფრთხოების ინსტრუქციების, სამუშაო ადგილზე, მომხდარი ან სავარაუდო ხანძრების ძირითადი მიზეზების გაცნობას;

ე) სახანძრო პროფილაქტიკის ზოგად ზომებს და ხანძრის ჩაქრობაზე მიმართულ ძირითად მოქმედებებს.

5.7. განმეორებითი ხანძარსაწინააღმდეგო ინსტრუქტაჟი უტარდება კოლეჯის მოქმედ თანამშრომლებს არანაკლებ ექვსთვეში ერთხელ, პირველადი ხანძარსაწინააღმდეგო ინსტრუქტაჟის პროგრამის მიხედვით.

5.8 განმეორებითი ხანძარსაწინააღმდეგო ინსტრუქტაჟის დროს მოწმდება თანამშრომლების მიერ ობიექტში დადგენილი ხანძარსაწინააღმდეგო რეჟიმის მოთხოვნების, ხანძრის ჩაქრობის პირველადი საშუალებების, ევაკუაციის გზების გამოყენების ცოდნა. განმეორებითი ხანძარსაწინააღმდეგო ინსტრუქტაჟი ტარდება:

ა) სახანძრო უსაფრთხოების ნორმატიულ აქტებში ცვლილებების შეტანის და ახალი დოკუმენტების შემუშავების შემთხვევაში;

ბ) კოლეჯში ინფრასტრუქტურის, მოწყობილობის, სისტემების მოდერნიზაციის შემთხვევაში;

გ) თანამშრომლების მიერ სახანძრო უსაფრთხოების მოთხოვნების დარღვევისას, რომლებმაც გამოიწვიეს ან შეიძლება გამოიწვიონ ხანძარი;

დ) სხვა საგანმანათლებლო დაწესებულებაში ავარიების, ხანძრების შესახებ ცნობების მიღებისას;

ე) თანამშრომლების მიერ სახანძრო უსაფრთხოების მოთხოვნების არასათანადო ცოდნის შემთხვევაში.

5.9. მონაცემები საწყისი, განმეორებითი და მიზნობრივი ინსტრუქტაჟის გავლის შესახებ შეიტანება „სახანძრო უსაფრთხოების ინსტრუქტაჟების აღრიცხვის ჟურნალში“ იმ პირების ხელმოწერით, რომლებმაც ჩაატარეს და გაიარეს ინსტრუქტაჟი.

5.10. კოლეჯში არანაკლებ წელიწადში ერთხელ ტარდება ხანძრის დროს პერსონალის მოქმედებების გავარჯიშება შენობის ხანძარსაწინააღმდეგო დაცვის სისტემის ყველა ელემენტის გამართული მუშაობის შემოწმების პარალელურად.

მუხლი 6. პასუხისმგებლობა სახანძრო უსაფრთხოების წესების დარღვევისათვის

6.1. კოლეჯის თანამშრომლები/პროფესიული სტუდენტები /მსმენელები/ვიზიტორების ვალდებულია მკაცრად დაიცვას დადგენილი სახანძრო უსაფრთხოების წესი და დაემორჩილოს კოლეჯის უსაფრთხოებაზე პასუხისმგებელი პირის მითითებებს;

6.2. პირის მიმართ, რომელიც დაარღვევს სახანძრო უსაფრთხოების წესებს გამოყენებული იქნება პასუხისმგებლობის ზომა კოლეჯის შინაგანაწესის მოქმედი კანონმდებლობის შესაბამისად.

მუხლი 7.გარდამავალი დებულებები

6.1.საკითხები რომლებიც არ არის ასახული წესში რეგულირდება მოქმედი კანონმდებლობის შესაბამისად.

მუხლი 8. დასკვნითი დებულებანი

8.1.ამ წესს ბრძანებით ამტკიცებს კოლეჯის დირექტორი ინდივიდუალური ადმინისტრაციულ - სამართლებრივი აქტით -ბრძანებით.

8.2. ამ წესში ცვლილებების და/ან დამატებების შეტანა ხდება კოლეჯის დირექტორის ინდივიდუალური -ადმინისტრაციულ სამართლებრივი აქტით-ბრძანებით.

დირექტორი : **ნანა ჯოლია**

